

Ha'u nia respetus ba:

Sua Exelénsia Sara Lobo Brites, Vise Ministra Finanzas
Señor José Antonio Fatima Abílio, Komisáriu Interinu Autoridade Aduaneira
Estimadus Diretores Nasionais no Funsionáriu Autoridade Aduaneira
Membriu-sira husi comunidade negósius
Pesoál-sira husi USAID nia Projetu Reforma Aduaneira no kolega-sira husi USAID

Boatarde,

Ha'u kontente tebes katak Estadus Unidus Amérika bele halo parseria ho Autoridade Aduaneira liuhusi Projetu Reforma Aduaneira hodi ajuda Timor-Leste kumpri padraun-sira husi Organizasaun Mundiál Komérsiu. Mudansa positiva barak ne'ebé adota ona sei ajuda mós Timor-Leste nia esforsu atu adere ba ASEAN, ne'ebé Estadus Unidus Amérika apoia tebes.

Ha'u mós hakarak rekoñese papel importante ne'ebé Projetu Reforma Aduaneira dezempeña ona hodi ajuda Timor-Leste responde-ba COVID-19 liuhusi simplifika mekanizmu importasaun sasán esensiál-sira, liu-liu ba aihán no aimoruk.

Estadus Unidus Amérika konsidera Timor-Leste nu'udar amigu no aliadu importante ida. Ami apoia rejiaun Ázia Leste no Pasífiku ida ne'ebé livre, abertu no transparente. Servisu ne'ebé ita-boot-sira halo hela merese elojia tanba promove transparénsia, governasaun dí'ak no kreximentu ekonómiku.

Ha'u rekoñese progresu boot tebes ita-boot-sira halo ona iha ita-boot sira-nia servisu kolektivu. Ha'u kongratula ita-boot-sira, liu-liu Komisáriu Interinu Abílio no Diretór Nasionál Gomes.

Fornesimentu Konjuntu Armazén-sira no fatin armazenamentu provizóriu nu'udar medidas importante hodi fasilita komérsiu. Fornesimentu facilidades hirak ne'e ba comunidade komersiante-sira liuhusi Autoridade Aduaneira sei asegura

kumprimentu ba Organizasaun Mundiál Komérsiu no ASEAN nia padraun internasionál-sira.

Ida-ne'e sei diretamente ajuda ita-boot-sira bele importa, armazena, no depois prosesa sasán sira ho lalais no ho kustu eficiente liután.

Ha'u konsiente katak ita-boot-sira barak – iha ita-boot sira-nia pozisoens hanesan representantes ba imi ida-idak nia negósius – envolve ona iha prosesu kriasaun padraun no regulamentus foun kona-ba instalasaun-sira ne'e.

Ne'e representa mudansa importante ida iha diresaun Autoridade Aduaneira nian, ne'ebé rekoñese importánsia husi envolvimentu ho comunidade negósiu sira husi inísiu kedas bainhira buka atu muda regras no prosedimentu-sira. Ita-boot sira hotu merese hetan apresiasaun tanba serbisu-hamutuk hodi asegura melloramentu nesesáriu-sira ne'e no ha'u fó parabéns ba ita-boot-sira hotu. Maibé, klaru katak laiha ita ida maka toba dukur tiha-deit ho susesu-sira ne'e. Sempre iha servisu hodi halo.

Ami kontente tebes inklui iha ami-nia knaar Reforma Aduaneria. Aumenta tan ida-ne'e ba ami-nia atividade-sira iha áreas agrikultura, turizmu, saúde no governasaun, halo USAID sai parseiru kompletu hodi ajuda Timor-Leste sai nasaun auto-reziliénte, ho kbiit rasik rezolve ninia dezafiu-sira iha desenvolvimentu.

Ikus liu, Estadus Unidus no USAID preparadu nafatin hodi ajuda nasaun ida-ne'e kontinua nia jornada ba auto-reziliénsia.

Obrigada barak.